



**Bosna i Hercegovina
Federacija Bosne i Hercegovine
Srednjobosanski kanton/Kanton Središnja Bosna
Kantonalno tužilaštvo Srednjobosanskog
kantona/Kantonalno tužiteljstvo Središnja Bosna
Travnik**

Broj: T06 0 KT 0039025 26
Travnik, 25.05.2026.godine

OPĆINSKI SUD U BUGOJNU

-Sudiji za prethodno saslušanje-

Na osnovu odredbe članka 45. stav 2. tačka h., član 241. stav 1. Zakona o krivičnom postupku Federacije Bosne i Hercegovine, p o d i ž e m

O P T U Ž N I C U

Potvrđena dana 10.06.2026.godine

Protiv:

A. V.

Što je:

U vremenskom periodu od 2018.do 2020.godine na području općine Gornji Vakuf-Uskoplje izrađivao lažne isprave s ciljem da se takva isprava upotrijebi kao prava, na način da je u svojstvu zaposlenika JU Dom zdravlja Gornji Vakuf-Uskoplje nabavljao i izdavao krivotvorena ljekarska uvjerenja za osobe koje nisu obavile ljekarske preglede, iako je znao da te osobe nisu obavile preglede o zdravstvenom stanju od strane doktora specijalista niti su ljekarska uvjerenja protokolirana u Registru izdatih ljekarskih uvjerenja o zdravstvenoj sposobnosti JU Dom zdravlja Gornji Vakuf-Uskoplje za period 2018.-2020.godina, koji se vode za navedenu vrstu nalaza i htijući to, pa je radi upotrebe krivotvorio, odnosno nabavio ljekarska uvjerenja na ime Z.Š. broj: **** od 05.02.2018.godine, A. M. broj: *** od 04.06.2018.godine, Dž. H. broj: *** od 22.10.2018.godine, Đ. M. broj:*** od 28.03.2019.godine i S.S. broj: *** od 20.07.2020.godine

Dakle, lažnu javnu ispravu nabavio radi upotrebe i istu upotrijebio

Čime bi počinio krivično djelo: Krivotvorenje isprave iz člana 373. stav 2. u vezi sa stavom 1. KZ FBiH.

KANTONALNI TUŽILAC

Poštovani predstavnici medija, molimo Vas da prilikom prenošenja vijesti imate u vidu da osobe, na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom.